

UNIVERZITET U SARAJEVU- FAKULTET ZA SAOBRAĆAJ I KOMUNIKACIJE
POSLOVNIK O RADU KOMISIJE ZA AKADEMSKI IZBOR

Na osnovu člana 123. st.(8) Zakona o visokom obrazovanju („Sl. novine Kantona Sarajevo” broj 36/22) i člana 256. st.(1) i (2) Statuta Univerziteta u Sarajevu broj: 01-14-35- 1/23 od 26.jula 2023. godine, Komisija za izbor akademskog osoblja u naučno-nastavno zvanje docent/napredovanje, za naučnu oblast *Željeznički saobraćaj*, puno radno vrijeme - 1 izvršilac na Univerzitetu u Sarajevu - Fakultetu za saobraćaj i komunikacije u Sarajevu, imenovana Odlukom Vijeća br: 01-3128/25 od 26.11.2025. radi provođenja konkursne procedure za izbor akademskog osoblja, objavljenog dana 06.11.2025. godine, na konstituirajućoj sjednici održanoj 28.11.2025. godine, usvaja

POSLOVNIK O RADU KOMISIJE ZA IZBOR NASTAVNIKA U ZVANJE DOCENT NA
NAUČNOJ OBLASTI ŽELJEZNIČKI SAOBRAĆAJ - 1 IZVRŠILAC

Član 1.

Poslovníkom o radu Komisije za izbor nastavnika u zvanje docent na naučnoj oblasti *Željeznički saobraćaj* bliže se uređuju nadležnosti, način rada kao i druga pitanja od značaja za rad Komisije za izbor u akademska zvanja (dalje: Komisija) u postupku izbora jednog nastavnika u zvanje docent na naučnoj oblasti *Željeznički saobraćaj* na Univerzitetu u Sarajevu – Fakultetu za saobraćaj i komunikacije, u punom radnom vremenu , po objavljenom konkursu od 06.11.2025. godine.

Član 2.

Rad Komisije se zasniva na načelima: zakonitosti, nezavisnosti, nepristrasnosti, objektivnosti, efikasnosti i javnosti.

Član 3.

U proceduri pripremanja prijedloga za izbor u akademska zvanja, Komisija postupa u skladu sa: Zakonom o visokom obrazovanju („Sl. novine Kantona Sarajevo ”, br. 36/22, 25/28) i Statutom Univerziteta u Sarajevu, br. 01-14-35-1/23 od 26. 07. 2023. godine, objavljenim konkursom u dnevnom listu „Dnevni avaz“ i na službenoj internet stranici Fakulteta, te službenoj internet stranici Univerziteta u Sarajevu od 06.11.2025. godine, Rješenjem Vijeća Fakulteta o imenovanju Komisije za izbor jednog nastavnika u zvanje docent na naučnoj oblasti *Željeznički saobraćaj*, br. 01-3128/25 od 26.11.2025. godine.

Član 4.

Nakon donošenja Odluke o imenovanju Komisije za izbor jednog nastavnika u zvanje docent na navedenoj naučnoj oblasti stručna služba/sekretar Fakulteta predsjedniku Komisije dostavlja u pisanoj formi potvrdu o blagovremenosti pristiglih prijava na konkurs i broj prijavljenih kandidata sa naznakom zvanja za koje su se prijavili.

Stručna služba/sekretar Fakulteta prisustvuje konstituirajućoj sjednici Komisije radi otvaranja pristiglih prijava te konstatira potpunost (urednost) prijava u skladu sa uslovima konkursa o čemu izdaje odgovarajuću potvrdu koja čini sastavni dio izvještaja Komisije.

Član 5.

Komisija je obavezna da po primitku pristiglih prijava i dokumentacije: a) pregleda sve pristigle prijave; b) ispita još jednom formalno-pravnu ispravnost prijava (blagovremenost, potpunost, potpisanost), c) utvrdi ispravnost dostavljenih dokaza. Komisija je obavezna u skladu sa čl. 236 st.(6) Statuta Univerziteta u Sarajevu, u pravilu, u roku od 30 dana od dana imenovanja dostavi pisani Izvještaj sa prijedlogom za izbor u akademska zvanja, Vijeću Fakulteta. Komisija je dužna pridržavati se zakonskih rokova za pripremu, izradu i dostavu Izvještaja.

Član 6.

Na prvoj sjednici/konstituirajuća sjednica, Komisija je obavezna usvojiti Poslovnik o radu koji će urediti način rada i odlučivanja u skladu sa obavezama iz člana 256. Statuta Univerziteta u Sarajevu. Komisija je u svom radu nezavisna. Komisija donosi odluku većinom glasova. Član Komisije koji se ne slaže sa većinski donesenom odlukom može napisati izdvojeno mišljenje, ali ono ne može uticati na većinski prijedlog u vezi izbora.

Član 7.

Komisija će održavati sastanke uživo, a po potrebi ako je neko spriječen fizički prisustvovati, može prisustvovati i putem videolinka. Konkursnu dokumentaciju će otvoriti predsjednik Komisije na konstituirajućoj sjednici. Konačni Izvještaj sa prijedlogom će se dostaviti na protokol Fakulteta potpisan od strane svih članova Komisije.

Član 8.

Izmjene i dopune ovog Poslovnika vrše se na sjednici Komisije.

Član 9.

Ovaj Poslovnik stupa na snagu danom donošenja i objaviti će se na web stranici Fakulteta.

ČLANOVI KOMISIJE

Prof.dr. Nedžad Branković

Prof.dr. Nermin Čabrić

Doc.dr. Mirza Berković



Broj: 01-3189/25
Sarajevo, 28.11.2025.